


## 2021-mi atualinnginnermi ulluunerani neqeroorutit, kommunini kisitsisit pingaernerit

2021 qaammat januaarimi pisortat atualinnginnermi ulluunerani neqeroorutaanni meeqqat 3.787-it allatsissimapput, taakkunannga meeqqat 0-inik ukiullit 194-it, 1-2-nik ukiullit 1.409-t, 3-5-inik ukiullit 2.177-it aammalu meeqqat arfinilinnik amerlanernilluunniit ukiullit 7-it. Taamaasilluni meeqqat 0-5-inik ukiullit tamakkerlutik 76,4 pct.-ii atualinnginnermi ulluunerani neqeroorutini allatsissimapput. Meeqqat allatsissimasut annertussusaasa takutippaat innuttaasut akornanni meeqqat taaneqartunik ukiullit qanoq amerlatigisut atualinnginnermi ulluunerani neqeroorutini allatsissimanersut.

### Titartagaq 1. Meeqqat atualinnginnermi ulluunerani neqeroorutini allatsissimasut amerlassusaat, kommuni najugaqarfillu malillugit



Najoqqutaq: <https://bank.stat.gl/OFNUKN1>


Amerlassutsimut kisitsinnermi meeqqat atualinnginnermi ulluunerani neqeroortini allatsissimasut 0-5-inik ukiullit aammalu 6-inik ukiullit ataasiakkaat tamakkerlugit ilaatinneqarput. Innuttaasuni meeqqat 0-5-inik ukiulinnut naatsorsorneqarput, 6-inik ukiullit ataasiakkaat allatsissimasut ilanngullugit.

### Pisortat atualinnginnermi ulluunerani neqeroorutaanni sulisut

2021-mi pisortat atualinnginnermi ulluunerani neqeroorutaanni piffissaq tamakkerlugu sulisutut atorfillit 1.150-iusimapput. Atualinnginnermi ulluunerani neqeroorutini sulisut tamakkerlutik arnanik sulisoqakkajunnerupput, 2021-milu arnat piffissaq tamakkerlugu sulisut 1.112-iusimapput angutillu piffissaq tamakkerlugu sulisut 38-usimallutik.

Paaqqinnittarfinni sulisut eqimattanut tallimanut agguaassimapput: Pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Pisortat aammalu igaffimmi eqqiaanermilu sulisut tapersersuisutut/ikorfurtuisutut sulisunik taaneqarsinnaasut sulisut tamakkerlutik 20,3 pct.-iinik annertussuseqarput. Perorsaasut, perorsaasutut ilinniarsimasut aammalu perorsaasunut ikiortit tamarmik meeqqanut paaqqinnittutut sulisunik (meeqkerisutut) naatsorsorneqarput. 2021-mi meeqkerisut 16,3 pct.-ii perorsaasutut sulipput, 29,5 pct.-ii perorsaanermik ilinniarsimasuullutik aammalu 54,2 pct.-ii perorsaasunut ikiortaallutik.

**Titartagaq 2. 2021-mi meeqqanut paaqqinninnermik sulisut, amerlassusaat pct.-inngorlugillu annertussusaat**




Najoqutaq: <https://bank.stat.gl/OFNUKN1>

**Meeqqat meeqkerisumut ataatsimut amerlassusaat**

Meeqqat ukiuini agguataarsimasuni assigiinngitsuni sanilliunniarlugit aammalu meeqqat meeqqamut paaqqinnittumut ataatsimut kisinniarlugit meeqqat amerlassusiisa uuttuutaannik kisitsisoqarpoq. Periaatsip immikkoortuani taaguut annertunerusumik nassuarneqarpoq. Tunngaviosorli tassaavoq meeraaqqerivimmiiittoq ataaseq 1,67-inik meeqqat amerlassusaannut uuttuuteqartoq, meeqkerivimmiorlu ataaseq aamma meeqqat amerlassusaannut 1-imik uuttuuteqarluni. 2021-mi nuna tamakkerlugu meeqqat amerlassusiisa uuttuutaat meeqkerisumut ataatsimut agguaqatigiissillugu 5,3-usimavoq. Meeqqat meeqkerisumut ataatsimut amerlassusaannut meeqqat sulisullu akornanni pissutsit apeqqutaasarput, assersuutigalugu amerlassusaannut kisitsit annikippat meeqqat ikinnerunerannik imaluunniit sulisut amerlanerunerannik peqquteqarsinnaavoq.

### Titartagaq 3. Atualinnginnermi ulluunerani neqeroorutini meeqqerisumut ataatsimut meeqqat amerlassusaat, kommuni najugaqarfillu malillugit



Najoqqutaq: <https://bank.stat.gl/OFNUKN1>

### Meeqqanut sulisunullu naatsorsuutit tamakkerlugit

Tabel 1-imi meeqqat amerlassusaat ukiuinut tulleriaarlugit aammalu piffissaq tamakkerlugu sulisut suliaqarfinnut kommuninullu immikkoortiterlugit naatsorsorneqarput. Taamatutaaq kisitsisaataasivimmi immikkoortortaqaqfik, neqeroorutiniittut aammalu najugaq malillugit naatsorsuutit takuneqarsinnaapput.

**Tabel 1. 2021-mi meeqqat ukiuinut tulleriaarneri aammalu sulisut, kommunit malillugit**

	Katillugit	Kommune Kujalleq	Kommuneqarfik Sermersooq	Qeqqata Kommuniarit	Kommune Qeqertalik	Avannaata Kommuniarit
Meeqqat ulluunerani neqeroorutiniittut tamakkerlutik	3.787	422	1.477	713	458	717
Meeqqat 0 ukiullit	194	19	68	36	22	49
Meeqqat 1-2-nik ukiullit	1.409	152	543	278	173	263
Meeqqat 3-5-nik ukiullit	2.177	250	863	396	263	405
Meeqqat 6-inik ukiullit qummullu	7	1	3	3	0	0
Pisortat	73	12	23	18	9	13
Perorsaasut	148	20	60	25	13	31
Perorsaasutut ilinniarsimasut	268	36	102	54	29	47
Perorsaasunut ikiortit	492	35	181	106	70	102
Igaffimmi eqqiaanermilu sulisut	158	24	50	16	28	40
Piffissaq tamakkerlugu sulisut	1.140	126	416	218	148	232
Meeqqat amerlassusaasa uuttuutaat	4.856	536	1.884	922	588	925
Perorsaasut meeqqanut paaqqinninnermi (pct.)	16,3	21,9	17,5	13,5	11,7	17
Meeqqat meeqqerisumut ataatsimut amerlassusaat	5,3	5,9	5,5	5,0	5,3	5,2
Meeqqat 0-5-inut allatsissimasut amerlassusaat (pct.)	76,4	75,2	74,3	85,4	79,4	71,8
Ulluunerani neqeroorutiniittut	156	17	47	33	21	38

Najoqqutaq: <https://bank.stat.gl/OFNUKN1>

## Periaaseq

Pisortat atualinnginnermi ulluunerani neqeroorutaat (ulluunerani neqeroorutit) matumani naatsorsorneqartut tassaapput meeraaqqeriviit, meeqqeriviit, tamakkiisumik paaqqinnittarfiit, ullukkut paaqqinnittarfiit aammalu ullormut paaqqinnittarfiit sullissiviusut. Paasissutissat pisortat atuareernermi paaqqinnittarfiinut, imaluunniit atuarfiup avataani ullukkut meeqqanut paaqqinnittarfinnut allanut tunngasut paasissutissani ilaatinneqanngillat. Naatsorsuutinittaaq ilaatinneqanngillat atualinnginnermi inissiisaarfiit namminersortut imaluunniit ullukkut paaqqinnittarfiit namminerisamik ingerlatat kommuninit aaqqissuussaangitsut. Naatsorsuutini piffissaq kisitsiviusoq qaammat januaarimi pivoq.

Ulluunerani neqeroorutit kisitsisai pingaarnertit najoqqutat taaneqartut tunuliaqutaralugit naatsorsorneqarput:

- Pisortat ulluunerani neqeroorutaanni kommunit allaffissornikkut ingerlatsiviannit Winformatik-imit meeqqat allatsissimasut nalunaarsuutaat
- Naatsorsueqqissaartarfiup pisortat suliffeqarfiutaanni atorfilinnut nalunaarsuiffianit
- Naatsorsueqqissaartarfiup inunnut nalunaarsuiffianit
- Ilinniartitaanermut aqutsisoqarfimmit igaffimmi eqqiaanermilu sulisut pillugit paasissutissaataannit.

## Meeqqat

Meeqqat ulluunerani neqeroorutini pineqartut ukiunut tulleriaanut 0-2-nik ukiulinnut, 3-5-inut ukiulinnut aammalu 6-inik ukiullit utoqqaanernullu agguanneqarput. Meeraaqqerivinniit meeqqerivinnut nuunneq nalinginnaasumik pisarpoq meeqqat pingasunit ukioqaleraangata. Taamaattumik meeqqat 0-2-nik ukiullit meeraaqqerivinniittutut naatsorsorneqarput meeqqallu pingasunik ukioqalereersimasut meeqqerivinniittutut naatsorsorneqarlutik.

Meeqqat amerlanerit tamakkiisumik meeraaqqerivimmiunut meeqqerivimmiunullu paaqqinnittarfinniikkajunnerusarput, meeqqalli inini immikkoortuniissinnaasarlutik. Paaqqinnittarfinni assigiinngitsuni sulisunik atuinerit sanilliunnarlugit meeqqat amerlassusiisa uuttuutaannut taajuut pilersinneqarpoq.

Meeqqat amerlassusiisa uuttuutaat meeraaqqerivinni sulisut kisinneqarneri nalinginnaasumik meeqqerivinni sulisut kisinneqarnerinit annertunerunerata matussuserpaa. Meeqqat amerlassusiisa uuttuutaannut kisitsinnermi atualinnginnermi ukiulinnut perorsaanikkut ineriartuutaasussamik meeqqanut neqeroorummut inatsisiliussaq tunngavigineqarpoq. Uanilu aalajangiunneqarpoq meeraaqqerivinni sulisut kisinneqarnerat minnerpaaq meeqqamut ataatsimut 1,67-inik amerlatigisunik meeqqerivinni sulisut kisinneqarnerinit annertunerussasoq.

Paaqqinnittarfik pingasunik meeraaqqerivimmiuutilik aammalu marlunnik meeqqerivimmiuutilik tassa: Meeraaqqerivimmiut pingasut\*1, 67

meeraaqqerivimmiut meeqqat amerlassusiinut/uuttuutaannut ataatsimut +  
meeqperivimmiut marluk \*1 meeqperivimmioq meeqqat  
amerlassusiinut/uuttuutaannut ataatsimut = meeqqat  
amerlassusaat/uuttuutaat arfineq marluk

**Sulisut**

Ulluunerani neqeroorutini sulisut ukiumoortumik piffissaq tamakkerlugu sulisutut naatsorsugaapput (piffissaq tamakkerlugu atorfilittut). Sulisullu eqimattanut tallimanut agguaanneqarput; pisortanut, perorsaasunut, perorsaanermi ilinniarsimasunut, perorsaasunut ikiortinut aammalu igaffimmi eqqiaanermilu sulisunut. Perorsaanermik ilinniarsimasuni pineqarput ilinniakkat sivikinnerusut perorsaanermik imaqartut soorlu meeqqanut ikiortit imaluunniit inunnut isumaginninnermi aammalu peqqissaanermi ikiortit.

Ulluunerani neqeroorutit kisitsisaasa pingaarnerit kisinneqarnerini naatsorsuutigineqarpoq perorsaasut, perorsaanermik ilinniarsimasut aammalu perorsaasunut ikiortit suliaat pingaarneq tassaasoq meeqqanik paaqqinninneq. Pineqartullu sulisut eqimattakkaarnerini meeqqanik paaqqinnittutut sulisunik naatsorsuutini taaneqarput. Pisortat aammalu igaffimmi eqqiaanermilu sulisut meeqqanik paaqqutarinninnerunngitsumik suliaqartutut naatsorsuutigineqarput. Ulluunerani neqeroorutini sulisut naatsorsorneqarnerini meeqqanut atualinnginnermi ukiulinnut perorsaanermi ineriartuutaasussamik neqeroorutit inatsit malinneqarpoq.

Sulisunik eqimattakkaarineq ilinniarsimanermut atorfiullu nassuiarneqarneranut pisortat akissarsialeriviannit paasissutissat tunuliaqutaralugit pivoq. Ilinniarsimannngitsut atorfinnut eqimattakkuutaarlugit agguaanniarlugit sulisunut meeqqanut paaqqinninnermik suliaqanngitsunut, soorlu igaffimmiunut, eqqiaasunut allanullu ilassutitut paasissutissanik kommuninut aallernissaq pisariaqarsimavoq.

**Tabel 1. Atualinnginnermi ulluunerani neqeroorutini sulisut agguataarneri**

Tapersersuisutut/ikorfartuisutut sulisut	Meeqqanik paaqqinninnermik sulisut
Pisortat	Perorsaasut
Meeqperivinni pisortat	Perorsaasutut piginnaasallit
Meeraaqqerivinni pisortat	Pædagogassistentit
Igaffimmi sulisut il.il.	Socialassistentit
Eqqiaanermi sulisut	Isumaginninnermi ikiortit
Allaffimmi sulisut	Peqqinnissamut ikiortit
Ilinniartut	Ullukkut paaqqinnittartut
	Perorsaanermi ikiortit
	Sulisut ilinniarsimannngitsut

### **Kisitsisit pingaarnert**

*Perorsaasut meeqqanut paaqqinninnermi sulisutut agguaqatigiissinnerat*  
Sulisut agguaqatigiissinnerini tamakkiisumik meeqqanik paaqqinninnermik suliaqartunit naleqqiullugit perorsaanermik ilinniarsimasutut taaneqarput.

*Meeqqat amerlassusiisa uuttuutaat meeqqanut paaqqinninnermik sulisunut naleqqiullugit*

Meeqqat amerlassusiisa uuttuutaattut meeqqanut paaqqinninnermik sulisunut agguaallugit taaneqarput. Kisitsineq ulluunerani neqeroorutit assigiinngitsut akornanni sulisut meeqqallu amerlassusiisa katitigaanerisa sanilliuineqarsinnaanissaa pillugu suliarineqarpoq.

*Meeqqat 0-5-inut ukiullit ulluunerani neqeroorutini allatsissimasut amerlassusaat*

Pisortat ulluunerani neqeroorutaanni meeqqat allatsissimasut ukiup naalernerani innuttaasuni meeqqanut 0-5-inut ukiulinnut naleqqiullugit agguaqatigiissinnerannik taaneqarpoq. Kisitsinnermi meeqqat ukiui apeqqutaatinnagit atualinnginnermi ulluunerani neqeroorutini allatsissimasut tamakkerlugit ilaatinneqarput. Kisitsinnermilu meeqqat atualinnginnermi ulluunerani neqeroorutini qaammat januaarimi allatsissimasut aammalu meeqqat arfinilinnik amerlanernilluunniit ukiullit ilaatinneqarput.

### **Misissuineq aammalu kukkunernut pissutaasut**

Atualinnginnermi ulluunerani neqeroorutini meeqqat sulisullu agguaaneri kontomit naatsorsuuseriviusumit kommunit naatsorsuuserivianninngaanneersumit atit aammalu paaqqinniffimmi imaluunniit ulluunerani neqeroorutini atit malinneqarput.

Meeqqat inuttut normui eqqortuunersut misissorneqarput, aammalu meeqqat allatsissimasut marloriaammik allaqqanersut misissorneqarput. Marloraammik allatsissimasut ilaatinneqanngillat.

Sumiiffiup imaluunniit paaqqinnittarfiup ulluuneraniluunniit neqeroorutip atia eqqortuunersoq misissorneqarpoq.

Paaqqinnittarfiit sulisoqarnikkut nalunaarsuinikullu tamakkiisumik paaqqinnittarfittut ingerlasut amerlapput, meeqqat meraaqqerivimmiutut imaluunniit meeqerivimmiutut allatsissimagaluartut. Uanilu naatsorsuinnermi paaqqinnittarfiit taamaattut tamakkiisumik paaqqinnittarfittut ataatsimoortinneqarput.

Meeqqat ulluunerani neqeroorutini allatsissimasut amerlassusaannut kisitsinnermi meeqqat inuit allattorsimaffianni paaqqinnittarfimmi allatsissimanera najugarisami pineqartumiinnersoq misissorneqarpoq. Annertunngitsumik inunnik nalunaarsuiffimmi sumiiffimmut aammalu atualinnginnermi ulluunerani neqeroorutit sumiiffianut paasissutissani kukkunermik nikingassuteqartoqarpoq. Kukkusumik nikingassut maannamut missiliorlugu 1-1,5 pct.-ii annertuumik malunnaateqanngitsumik isigineqarpoq. Nikingasoqartillugu ulluunerani neqeroorut pineqartoq pingaarnertut paasissutissiisuvoq.

Atualinnginnermi paaqqinnittarfiit namminerisamik pigineqartut naatsorsuutini ilaatinneqanngillat. Naatsorsueqqissaartarfiulli atualinnginnermi paaqqinnittarfiit pingasut namminerisamik pigineqarlutik ingerlanneqartut 2014-imi, 2015-imi, 2016-imi, 2017-imi, 2018-imi, 2019-imi, 2020-mi 2021-milu Nuummi inissisimasut ilisimaarai. Taakku tamakkerlutik meeqqanik 60-80-inik allatsissimasuuteqarput. Nuna tamakkerlugu paaqqinniffiit namminerisamik pigineqartut meerartai naatsorsuutini ilaagaluarpata ulluunerani neqeroorutit amerlassusaannik kisitsineq missiliorlugu 1 procentpointinik annertunerussagaluarpog.

Ukiut eqimattakkaarnerini 0-5-inik ukiullit amerlassusaannut kisitsinermi meeqqat 0-inik ukiullit suli meeraaqqerivimmiinnissamut ukiunik angusaqarsimannigitsut kisitsinermi ilaatinneqarput. Ulluunerani neqeroorutit ataasiakkaat arfinilinnik amerlanernilluunniit ukiulinnik amerlasuunik allassimasuuteqarput. Tassungalu peqquataasinnaavoq atualernissap kinguartinneqarsimanagera imaluunniit paaqqinnittarfiit (utaqqiisaangallartumik) atualinnginnermi ulluunerani neqeroorummit allaanerumsumik, assersuutigalugu atuareernermi paaqqinnittarfittut ingerlataqarneranik peqquteqarsinnaalluni.

Atualinnginnermi ulluunerani neqeroorutini sulisut nalunaarsorneqarnerat pisortani atorfillit nalunaarsuiffiannit tunngaveqarpoq, naatsorsuutillu pineqartut tatiginassusaat aamma pisortani atorfillit nalunaarsuiffiata tatiginassusaanut atassuseqarpoq.

Kommuneqarfiit akornanni nerisat tungaatigut sulisullu allat saniatigut aaqquissuussinerit assigiinnigissuteqarsinnaapput. Vikarit suliffeqarfimmuut ataatsimulluunniit siunertaqartumik nalunagaasinnaasarpud. Suliffeqarfiit nerisat tungaatigut aaqquissuussinerat igaffinni ikiortinit ingerlanneqarsinnaasarpog nerisassiorfitsigulluunniit allatigut isumagineqartarluni.

---

Ilisamaatinut nassuiaatit:

... Paasisutissat pigineqanngillat  
.. Paasisutissat nalunaarsussallugit qularnarpallaarput mianersuuttariaqarpulluunniit  
. Suliap pissusia tunngavigalugu kisitsisit saqqummersinneqarsinnaanngillat  
0 Uttuutigineqartup affaanit minneruvoq  
- Nul  
\* Kisitsisaagallartoq kisitsilluunniit eqqoriarneqartoq

Saaffiginniffissaq  
Gorm N. Pedersen  
E-mail: gnpe@stat.gl

Pisortat aningaasaqamerat

Naatsorsueqqissaartarfik  
Postboks 1025 · 3900 Nuuk  
Tlf.: +299 34 57 70 · Fax: +299 34 57 90  
www.stat.gl · e-mail: [stat@stat.gl](mailto:stat@stat.gl)

